

الهويس

افتح هويس

اقفل هويس

البحر موجه عالي

والمراكب ف الغطيس

والدفعة مش ف ايدي

والايا م بتروح فطيس

بس حلمي لسه واقف

ع الشط هناك بعيد

عنيد

مش راضي يمد ايده

ياخد با ايدي ونعدي م الهويس

الهويس مش عند قم الترعة بس

الهويس يتحس حس

يفتح .اشم نفسي

يقفل .يعصرني عصر

لما خلي العظم كسر

والزرع م الدوخة

مش قا در يقوم

والهدوم ما بقتش ستر

حتي الليل كبيس

لما انفتح ف يوم الهويس

اتبدل الضل اللي طارح

با الهم اللي جارح

وطرحت المتاريس ف الشوارع

وانت سامع

كل شئ من غير وضوح
الرضوخ للذل امر واقع
واللي واقع فوق كتاك
حمل صعب وخسيس
افتح هويس
افتح هويس الخصرة تاني
يطرح الضل الجديد
ويهدي الموج
والمراكب تطلع م الغطيس
نعيش العمر اللي باقي
قبل الكل ما يروح فطيس